

皇清文穎續編

皇清文穎續編卷四十九

賦

皇上八旬萬壽賦

謹序

洪梧

臣

聞太乙所居是爲紫極春皇之國厥有神洲
昂南駭鳳之園亢外流烏之會古者祥呈辰下
瑞紀雲飛受綠字於洪流闡金緘之恭館高陽
萬國來萃河濱黃帝羣臣言臻洹浦南弓東壁
犴幅周宮北羽西槎迎仙堯圃欽惟

皇帝陛下八徵延祉九愍開祥古椿符

聖后之齡洪範紀

天皇之壽龍章鳳契鏤

寶篆以承

庶玉燭金壺席

蘿圖而廡

念般濯爭來於雕壤輪囷下照於合宮爰

俞萬國之歡乃佈三衡之

詔魚騰鳥企摯虞增秩之年鼓笛棚車未準登科之
歲於是荒慕德西踰昆侖車服加書南撫交
趾白狼三譯詢黃髮而來王鳥弋重溟仰青雲
而稟朔

天子精禋錫羨闔澤均禧

幸五麟七鳳之廬受九夷十蠻之享秋澄武列鼉拊
方壺宴邁文津鸞翔溫樹

天顏惟穆

壽宇宏開候南極於員穹奉

東皇於樂土羣情旣浹

法駕方旋

上林光啟禮園萬方民大和會三條散樂炫觀名

王十日醑尊朋歡士女然後乃以

慶節陽暉輯瑞乎

太和之殿祥煙卸陸景旭彤庭登歌曼壽之章拜

舞天齊之曲豈特烏音蓮葉六十邦奏賀之書

露囊荃車三萬里冠裳之國竊惟

陛下御極五十五年勲德巍巍文章郁郁舜功二十

銘載夔鐘周澤京坻聞諸幽雅顏閻墨妙莫稱
形容燕許文工豈能醜縷謹因行慶之地敬獻
介

禧之詞三祝等於華封三呼同於嵩嶽慚太冲之士
載敢賦三都賸杜甫於青旻具陳三禮謹序

皇上駐蹕避暑山莊錫謙外藩賦

候維炎后律中蕤賓月杓壬午日旅庚寅

皇帝既有事於

靈壇肆言巡於上塞乾健爲心民勞爲愛漢有慶而
將酺周引年而用賚迺六玉輅之蕤蕤九參旂之沛
艾出迎暎之東關轆案漢之南閭紅橋塞水青磴關
塗雲迎鳳麗電閃龍趨炎陰磧柳雨意河蒲

義馭度於廣仁

虞門開於麗正興州是謂神臬

山莊此焉夏清九成陋貞觀之銘左个布明堂之令
煙霞可以適

沖情山水足以娛

聖性年年羽獵先秋歲歲嵒池頌

慶獻璿圖於西極怖銅鼓於南人先零幕遠頡利封
新真龍仗馬瑞象天麟華香佛樹水玉河眠雕題椎
髻之酋漏海丸都之國紫塞來王朱波戴德衆星之
拱北辰秋分之候南極爰遵道而揚鑣咸遡風而憑

軾巖軒竄突礪戶遮迴薰來柏殿暑去蘭臺歸雲石
槎落照流杯廣吟永晝校射恢台人間兜率天外蓬
萊於是海會咸臻獅林時敘覲

黃帝於壽邱謁

元囂於華渚受鯀瀑水之濱列館汾河之畔峩峩藏
寺寶界時隋翼翼鹵簿光臨峪西

輿前膜拜道左迎暉豐同六合稔

覽千畦爾乃月吉秋新雲開天朗受羅什之名經覲

臣佗之大長燦赤土之多羅拊文單之舞象織皮禹
貢之奉珍茲白周書之執壤南宮啟讌合殿開筵司
彝九獻廣樂俱懸蕭傅正呼韓之坐元侯拜繁邊之
篇頌

天皇兮億載樂

嘉會兮萬年旣而燈設九華尊移萬樹對角觥之紛
陳聽兜鞬之咸具將使罄海同禧承

天錫祐

念徵綿玉燭之年禮佛識金繩之路然後恤遠先歸
於京景溯樂未徹於承雲慶方流於元圃

皇上迴蹕圓明園同慶昇平賦

爰有堯衢蕩蕩文囿熙熙周民九職漢表諸司神仙
柱下五老河湄來同王會共祝

純禧戶散綵以爲霞地鎔金而似海幻犁耡於城闈
接麟洲於爽塏吹簫之王子疑來薦棗之安期宛在
皇帝六龍回轡五鳳停驂澄湖萬頃闡苑千巖夔龍

景從鸚鷺趨趨仙壺聞於

禁籞瑞靄麗於裾簪於時玉露瀼瀼桂華郁郁陶典
西成幽圻大熟洞庭張樂之濱博望乘槎之曲兩戒
銀河千花繡谷移來浮玉宛對江天眈眈樓觀浙浙
冷泉經壇遵於梵刹書閣儼於文源有江南之佳麗
接吳會之山川王淵四子之詩德秀賢人之頌付部
伎以新編軼仙韶之妙弄繡襟哦

聖壽之章玉管入卿雲之夢聲依日以來雲舞翻花

而翔鳳吹苓

響喜鼓輅

堯遊歌僮七十沛樂三侯縱觀安福之闕奏伎洛城
之樓淳還六合道泰千秋婆羅倒足揮國旋毬行行
亞字處處衢謳若乃大啟

賢良宏開

壽宇九州之清宴真逢兩曜之光華在觀梁鄒不限
於芻蕘屬國同羅於庭廡鏗金猛簾之鐘樹羽靈鼉

之鼓歌

萬歲之詞奏昇平之譜大聲發於咸卷燕樂調於仙
呂幢幡則千佛同場鸞鶴則羣仙繞戶秦公娛廣樂
之遊儀伯貢饗哉之舞所以溥

皇祺均

篤祐聯萬國之歡心奉

八旬之

仁主廣詩於麟德之庭拜酒於華林之圃繁

聖皇之勤政仰

乾行於

御園未中宵而展

禁每非閨而居門紹

神堯之棟宇見

黃帝之曾元

丹臺萬札

墨敕千言傳宣漏永入對花暄

吟龔小院測雨前軒旣

齋

禋而來宅聿

巡彌而迴轅玉泉天漢之流西嶺

神州之境總勝慨於黃圖同遨遊於較鏡歌載歌兮
世永康樂復樂兮

皇有慶

皇上御太和殿受萬方朝賀賦

鳧鐘早振鳳闕先開千官夙戒萬國偕來

天長屆矣

元首康哉爾乃秋將中兮夜未央趨闔闔兮壽

君王凜鴻臚之序位奉宗伯之儀章御史糾於九品
埋藩秩乎庶方穆穆皇皇濟濟踴踴先陳

聖節之表待獻萬年之觴述職之維藩對越近光之
羣后翱翔黼黻充庭旌旗夾陛仙仗俱陳庭燎有暉
上輅設於外朝象輿肅於閑衛於是鯨鏗右五雅奏

中和雲浮采現日上華多

天子方憑辰寧御巍我堂高廉遠喜浹歡羅司儀贊
拜典樂升歌率舞來於緬服搏拊自於闕河悅名王
之齋齋集國老之皤皤

皇儀孔究嘉樂有邠協綢緼於中外承

壽愷之恩波壤奠三千朝服七十太保西率唐公東
立千羽兩階玉帛萬國乃有六盟王公四衛拉特竹
城奉藩木邦受職東麗西歐南訛朔易無小無大有

嚴有翼塗印度之殊香煥蛟人之異飾獨孤之金鏡
千年立本之華圖五色惟

皇純嘏奉若無私

欽明廣運

神武仁慈

闔恩滋澤雨解雲施百年生息萬里光曦溯生民之
帝極信無間於

伊耆於是禮成

太和宴開

寧壽潢族萃振仙班輻輳萬舞在庭九歌同奏酒醴
維醕以介耆舊肴核維旅有秩籩豆三公在前三老
在後咸拜手而稱觴旣騰歡而勉懋是時九州嘉樂
六合恬愉家家懷葛戶戶黃虞士沐三升之化農承
普錫之租商富鹽田於山海工捐追琢於璠璣効貢
暄於宋父兮同就日於

皇衢登春臺而享太牢兮若羣遊於華胥麗大千之

寶界仰億萬於璇圖

皇有厯於如恒

念彌殷於久照方夕

月於夜明乃儲精於堂突益保泰之鴻謨實延禧之
妙要登

壽世於成鳩撫諸侯之殷覲

太上皇帝紀元周甲授受禮成賦

謹序

戴衢亨

臣聞易紀卦德以四範陳福疇以五中庸臚位
祿名壽基諸德德者得也福者備也聖人之德
上及泰清下及泰寧中及萬靈握大象持化權
含蘇秉純膺受多福粵若初皇剖判蒼牙昌成
嚙以洛鈐翼於孔訓厥彰厥微其揆一也

太上皇帝紀綱八極經緯六合

皇朝通志卷之四十五
名臣
三
統天御世貳造化而參神施暨暨翼翼六十年於茲

歲再遇丙辰正月朔旦

御殿延

親授

皇帝大寶初元告

天之願於是乎遂

大德受命之徵於是乎全伏讀

聖製四得一論闡析經訓演命明道義綜五福理符

一貫天人之道賅而帝王之事備矣。臣惟乾之

四德曰元亨利貞。孔疏云：聖人行善道以長萬

物而爲元。臣以爲體元居正合於

聖人得位之義。又云：以嘉美之事會合萬物令開通

而爲亨。臣以爲開通嘉美萬物由庚合於

聖人得祿之義。又云：以義協和萬物使各得其理而

爲利。臣以爲協其義得其理名莫大焉。合於

聖人得名之義。又云：貞固幹事使物各得其正而爲

貞臣以爲貞一無間合於

聖人得壽之義蓋元亨利貞統於乾

位祿名壽鍾於

聖德之符福之驗也臣職忝詞垣幸依

禁近伏觀

太上皇帝四得咸臻與

天合德席鴻雁之祚引曼羨之期八會十華不足彰
其瑞赤文綠字金泥玉檢不足揚其麻誠萬載

一時也臣愚不揣卑陋採掇經義敷陳

聖德撰賦一篇拜手稽首以獻其辭曰

大哉

皇清之受

命緝熙也

聖

聖相繼拓迹開統規萬世而爲基

太上皇帝繩

祖武荷

昊釐冠德卓蹤懿鑠隆茂積六十載以垂衣歲重占
乎明炳振美之吉

詔大廷授璽昭

嗣服而協

帝期邁修壇與刻玉迺駕者而軼瀉攻圖契以上朔
孰符瑞其轅茲惟

位祿名壽之四得貫

九五福而兼之釋

聖言之闕奧用汁

天德而儷乾儀懿夫太始之元上承正一聖人則之
宅尊而履位

太上皇帝斟元陳樞秉籙司契調泰鴻而御寓立易
威而宰世祇事

郊壇穆穆棗棗圭璧牲牲樵蒸狸瘞通牋饗於靈示

欽

帝緯之旭卉味爽丕顯

志壹容粹見

列聖於羹牆篤慕思而不匱紬

實錄之鴻編偉

開國之淳懿

四莅陪都肅乎優愉薦

寶冊以告虔奉潔粢而升苾弧矢衣冠

率由

祖制

恭已敕幾紹物開智堂顏紀

恩之名殿榜

勤政之字

丹筆批章

彤廷引對處蝓蝓蠖濩之上而洞矚乎八紘握幾筮
計寘之原而埴埴乎萬彙

履藉親推時吹講肄

躬覽方州觀風展義河渠海防別製鞏衛岳瀆効靈
壤衢孚

惠箕畢驗乎物情稼穡

諮乎民事惟體仁以長人迺

德元之攸賴譬大鈞洪運而清陽無計也旣允迪乎

吉康適

勤思乎保艾所以寅奉

丕基答

皇天之付畀若乃庶物隸通百昌亭蓄本資始以嘉
亨合充符而綏祿

太上皇帝宰運璇璣燮諧玉燭德產備乎陰陽職貢
通乎水陸華實膏腴提封并牧歲兆三登邑收再熟
紫脫黃英異莖合穎之瑞戢香於京坻露犬統牛川
珍嶽貢之奇麇集於

輦轂鹽筴場豐蠶桑戶足球貝潛淵銅鉛溢谷財賦
羨於中邦貨殖雄於列服都會浩穰商賈埽鷲番舶

鑿互乎夷洋塞屯隱賑乎隰沃廩徠大宛之馬璞獻
痕都之玉金部水衡泉幣流衍於衛藏準回之屬加
以五免丁糧三蠲漕粟緩縣帖於額征除歲逋而給
復

行慶施惠賑貸以千萬億若汜陽和而賁草木鏹緝
羸大府之儲生齒倍司民之牘

太上皇帝秉嘉會以台禮抑怵參而勵俗法夏后之菲
食慕有邇之嘉穀嘉穀富閭閻箴勤蒞星使海內崇質而

返本含醇而抱朴函育萬方殷阜百族引養引恬中
外禔福若夫旋穹不言美利斯溥上聖恭默民無能
名惟蹈和而秉義迺騰茂而蜚英

太上皇帝運天關順斗極右規矩左準繩允文允武
首出咸寧仰功文之

魏煥懋風猷以日升翱翔於冊籍之府游泳於道德
之精圖禮器之繁蹟訂樂譜之鏗鉉陳懸考鑄叶律
補笙會通典要哀輯史評羅四庫以璀璨建七閭之

崢嶸石經林立乎壁沼獵碣磔磔乎黌楹擇大昕而
視學宣

講席而研經

御詩五萬雲章漢倬

聖文數千玉振金聲宏匠成於棧樸流歌詠於蒿萃

聖文

皇威之有赫信恢綱而廓紘共球四裔戶闥八瀛

天戈所指電掣雷轟疆索肆開乎西域控二萬里而

金城邛僃再馳乎羽檄促浸僣拉之首交繫於長纆
徠緬甸之象馬戮臺灣之徼鯨鬻南交而効款牧西
藏而銷兵殲有苗之元愍乃不震而不驚鴈臣鱗集
乎塞宴

宣闈懌以聯情名王藩部稽首來庭海隅日出暹羅
南掌琉球荷蘭暎咭喇之國莫不占風回內虜

闕輸誠景

惠澤之鴻罔睹

醞化於登闕挺洞萬物覆露六幕膺

太上崇號而不侈聖神文武之稱守

謙德以抑抑乃邁柏皇栗陸而莫與京且夫乾積健以常貞聖葆貞而致壽造化回斡稟氣舒光統宿離經紀而四序不忒者大寰之絃覆也

至德悠从握符闡珍極博厚高明而萬祥胥集者

上天之孚佑也

太上皇帝虔鞏爲心純常在宥久照協於儀璘丕昌

覃於壤宙

恭壽聖躋

康彊

天授剛健篤實輝光

德日新而新又

問政暑寒

勵精宵晝屏變黷而弗陳噎杖鳩之刻鏤控蹠躐於

天閑卽伊尼於

文囿軼松喬佺羨之倫祛服食延年之陋集蕃祉於
聖躬介大年而彰

鴻祐增神筭於泰元麗珠躔於極宿

玉牒衍祥金支郁秀會

五葉於一堂景

天題於崇構

壽寓廣熙昌辰淑茂耆碩迭生

泰平同觀宴典開平

皇極齒梨顏於勲胄集

金闕者數千人遂雲日之瞻就命酒行庖肩摩輻輳
資溥恩均海函春富自六十以上皆

上所長養曾不殊於孩幼

萬福稱觴九罄列奏黃髮齟齬台背之儔莫不贊乎
鼓軒乎舞曰允哉乎

帝夏皇春之候惟

至德常貞用膺茲單厚也然則奉三無私建五有極

惟

天爲大惟

帝時克其爲位也其爲名也其爲祿與壽也惟其爲
德也位祿名壽以致必得元亨利貞乃見天則

綜懿綱於萬幾啟

睿圖而作哲煥三辰以增輝沛十行而專

澤嘒嘒同民皞皞如春普天率土

舜丙

堯辰跂行喙息莫不

尊親蓋四得者四德也本於八徵之

養念稽諸五福之

命申用以紀

十全於篆冊又何四三皇八五帝之足云乃作頌目
惟

天眷

聖惟

聖承

天致此四得以基十全

全德全福錫美駢蕃

闡極緝化上法

大圓

德以正

位崇諭義軒

德以懋

祿鬯沂垓埏

德以章

名炳藻圖編

德以益

壽如山如川

天有四德實本於乾

至誠翁應純祐響臻經畛積紀章節循環茂承

景貺曰萬億年

聖駕幸翰林院賦

謹序

覺羅桂芳

臣聞虞文敷而賡歌作周道洽而雅頌升所以
鳴豫導和上答靈貺沿及兩漢風流彌繁奏御
之篇蓋以千數然或誇競失則宏侈過情晉臣
皇甫謐云並務恢張其文博誕空類非史臣揚
厲之體我

大清受命

聖

聖相承河洛開輿經綸訓典嘉頌宏雅昭光振耀

高宗純皇帝益重儒術馨烈彌茂

天行星陳臨於玉堂禮舉儀具備哉榮爛真聖明之

式也

皇帝御極之九年思紹

前謨用光圖史春二月練辰諏吉重舉斯典延洪曼

羨靡不宣臻洋洋乎隆

帝者之上儀典謨所不及已

臣

附族麟趾備員鳳池

又忝司柱下之職宜殫見竭忠作爲歌詩紀

上恩德顧材力弗逮視詩書所載無以擬其形容謹
撰賦二篇詞假問答雖不足雍容明盛庶幾折

衷於

作

述重光先後合揆之義爰拜手稽首以獻

有金馬待詔問於天祿詞臣曰蓋聞圓穹以儀璣爲
表柔祇以嶽瀆作輔故妣探宛委姬巡懸圃觀文化

成紀於隆古我

皇上秉重華膺下武襲六七軌三五天英效其器車
地釐繁其榛楛文德昭上儀舉淵旋雲被觀於羣玉
之府鴻典瑰裔天葩艷艷灼日御以停曜滴露華而
流慶麟臺虎觀不足稱麗正集賢不足競也子大夫
躬與嘉會亦嘗明其制而紀其盛乎曰未也願吾子
揚駿文擴淵識播

列聖之神鈞勒奕禩之維則曰唯唯玉河之西寶惟

玉堂紫宮是環應乎文昌象離明而廓宇宅坤靈以
拱閭門闔洞開棟桴高驥袂振磊砢以星拱檝盧戩
誓而雲翔奮朱鳥以覆翼指應龍而抗梁陽馬承脊
於前軒子蛻場暑於東廂承以文杏之棟攢以木蘭
之椽密以瓴甌綴以翠恩藻繡絡繹茄植紛披璇題
粲爛於銀榜皓壁晃朗於金碑丹雘熒電紅葩耀曦
玉樹豐尋羅於階墀劉井滉滢於周阿柯亭峙巖於
崇基蹲鼈峯之嶽崑若神山之架靈鼉也導鳳池之

漾演若瀛壖之棹滄波也乃新斯堂以築百堵司農
緡錢司空鑿鼓王爾執匠歌舞其斧發五色之渥彩
日瞳矐以赫昉經軌砥平安我

皇武時則帝皞執規律鍾旅夾量茂卯於後庚涓吉
亥於先甲

天子乃乘安吉之驄駕彫玉之輦顏倫奉轡飛廉戒
塗葩璠世莖璣弩彎弧旅賁班劍中黃執爨儀鏗赫
戲而琴麗壽幢繚綵而揚紆七萃扶輪以翊衛八神

捧轂而馳驅翼以雙鳳之旗導以九龍之蓋將玉鑿
之文轆颺翠華之流旆灌器清道以颯灑香銜浮烟
而旒鬪霓於宣聲雲罕垂帶儀刀鞞盾鬪戟長鍛珥
貂附蟬之倫被繡戴鶡之輩肅穆翕習雲集川會於
是駐

大輅列勾陳千官鵠立鏘鏘莘莘乃禮

先師肅闕禮薦泔澹羅苾芬鼎列夔龍尊陳雷雲寢
威盛容酌乎質文奉引旣畢遂

御法座羣臣咸拜金響玉播嘉宴肆陳華茵列坐命
膳夫以大饗頒尙食而察筵備鱗羽於四膏錯山海
於尺几復有青璣之棗金粟之梨側生旁挺紛敷攄
檨雕盤加邊疊若累基乃斟百福之觴晉三辰之酒
陳庚辛之匱設壬癸之旨浮玉醴於東溟酌天漿以
北斗含甘吮滋維旨維有爾乃陳大樂鳴金匏宣夏
濩奏虞韶縱鐘鏞鼓鼗鼗諧清濁而音翕順陰陽而
律調奏慶平與顯平和鈞天之琅漱雲龍天矯於繡

麾金鸞翔翥於霞標別有佞鼓程材鼓員奏技按昆
明之新詞譜瀛洲之舊紀曳繭緒以編躑奮羽衣之
颯纏百禮旣洽羣歡畢臻赫乎若明廷之接萬靈煥
乎若帝臺之饗百神於時

皇情收穆

天容昭暢矢游歌之音道中和之唱追宴鎬之樂豈
邁橫汾之跌宕廣歌喜起景福遐貺頒綠幣錫文綺
黃封翠纈或青或紫吳綾越練惟表惟裏矧瑤函與

寶笈寶蘭典與芝璽煥丹書之熊熊輝綠圖之雉雉
其典禮也如彼其

膏澤也如此將衍圻而濡化翳鳥奕之爲美鵠臚告
具屬車徐發扇影已轉乎紫霄鑿聲猶儀乎天闕莫
不蹈德詠仁烟煴降而福祿錫也鯁生不文遭逢

聖日思摛藻以爲國華顧藝疎才拙而不能殫述敬
濡毫而賦之猶未導揚萬一也

天祿詞臣有睟其容盱衡而告曰粵惟虛霸漢垠是

生太初乾曜合德斟元陳樞皇罩庸成提其紀麗連
栗陸升其途燧皇握機蒼牙通靈計表合符黃軒紹
統演翠媯之文闡白阜之圖五色照於曲阜之野五
星會於若水之都日頊日佶沿唐及虞張八極於羲
和馭五龍於堯衢醜禱進福文思時雍白環玉苞文
明溫恭金簡碧珪文命是崇垂精拱默淵懿龐鴻資
威寶命豈徒三畫而連其中夫測大圖之量者以元
氣爲經不以懸象爲根也揆方輿之運者以厚德爲

宗不以山海爲門也方今天族多奇玉林自貢以翺
以遊非鸞則鳳蒙忝屬籍仙源有醉心焉鈞天之夢
庶宅照憑瀾而談言微中也今子覩縷典禮鋪藻衛
揚福履皇哉唐哉美矣茂矣然知其一未知其二知
鉅典之邁前不知

翼教之傳

心與

敷文之述

事也今將語子以

列聖之鴻訓

皇帝之上治恢子隘見以昭示奕世昔我

聖清之龍興也肇基東方白山儲禎朱果發祥龍飛

震維

天眷

初皇威弧赫濯圖書亮章始設文館厥惟

盛京天聰建元國史表其精微秘書儲其琳琅三院

並建煜煜煌煌洎乎

世祖九區克咸六合爲家東震析木西燭流沙北熿
天虛南滄丹崖沐日浴月赫乎光華乃增員晉秩翰
林是設登崇賢良延攬儁傑或分或合因時損益方
聞集於石渠華名輝於玉牒康熙之初六幕翔洽薄
海醇懿鶉居穀飲福輳祥萃東序祕寶西清國器惟
學之懋匪文之麗倬彼

天章道德仁藝斯乃

聖祖所以基太平也至於雍正之際宏亮洪業光濟
先軌玉潤金聲雲蒸霞起蘭臺之南匠斲經始豐樓
開闕連闔錯峙芸館培英寧茲多士斯乃

世宗所以大守成也乾隆之元宙合綱維禮樂明備
湛恩易豐無遠弗屆黃支烏弋聲教攸暨學校如林
鼓篋侑幣鴻筆之士宅心醞粹蔚爲國華惟德惟義
稽古論思集賢清秘斯乃

高宗所以隆德聲也我

皇上啟璇圖膺寶籙理珠囊調玉燭昭大文於雲漢
美作人於械樸南金東箭羅其珍奇幹碧弩備其屬
採巖阿之輪囷擷扶輿之清淑濟濟多士盈乎天祿
並華春而實秋與幹金而楨玉儲才之富若鄧林之
析薪與淇園之取竹復勗清華之妙選下勵品之
德音勤埏埴於大冶敷化裁於華簪組織經緯琢磨
球琳瑚璉寶器圭璋國琛毓之於仁義之圃游之於
文章之林惟鏤斯璧惟篆斯金咸砥學而厲行以仰

答乎

帝心矧乃灌燧秦蜀飲馬江漢師節偃於雲臺捷書
奏於

前殿甲杖束而挂弓庚郵靖其傳箭天迴地遊星陳
雲爛日月重離乾坤復旦撓紀合符堯圖重光

天文聿宣

考訓用彰有纘

緒之孝焉華萼光飾行葦根本敦睦懇摯昭於忱悃

有展親之教焉是以臭馨香含甘實六合寧八紘一
辨章昭登炳若星日且夫左城右平南榮北牖所以
游泳書林翱翔文囿詞源疏瀹學海輻輳金支翠旗
瓊斂紫軟時謂甲冑忠信干櫓仁義奪席史宓拔幟
經筵麟脯豹胎丹樾甘瓜所以醞釀道德含英咀華
醇誼酣和布濩滂葩鐘摐磬諧塤箎和叶時謂鼓吹
百家笙簧六籍元音沕穆太和洋溢雕錦文綺芸縑
蘭繭所以禮樂被服儒雅弁冕羽儀

帝都黼黻

皇典子徒見嘉宴之瑰肅不知

元化之陶甄知柏梁之載賡不知

松棟之凝神也客聞斯言矍焉而顧睒焉若失佩篤
論之有徵愧鄙儒之寡識揚洪輝於萬年敬服之而
無斁

聖駕東巡恭謁

祖陵賦

謹序

文寧

嘉慶十年秋七月

皇上東幸肅殷薦於

三陵式

舊典也緬惟

國家肇基東土嚮載六幕

列祖功德峻與天際

瑶舟光乎幽館

龍鼎闕乎橋山

篤祐甄禔輝絕萬嗣

聖祖

高宗襲

慶承

則六飛之勤至於三四

茂矩馨業丕哉煌煌

皇上於癸卯秋躬侍

展謁

主器之

禱上符

天鑒

御極以來素徽大調宙合榮鏡

仁風鬯於無外

聖德被乎匝宇歌頌嘒喻文物昭煥凡夫

幸石渠宴宗潢諸大禮靡弗由

舊作新而

厘懷

珠邱僦慕尤摯以川隴凱徹後涓吉少需茲始秩

洪歆而信景鑠焉臣備員春官寅贊

鉅典而以兼貳金吾隨扈

車駕恭賡

帝製於山川則仰

星櫛露沐之艱於取章則儀景員周茶之厚於土風
則欣宵綯歲褐之樸於郭邑則見規穹桀輿之
制於

原廟則欽

顯統肇祥之隆而於

升香薦俎通微合漠伏見我

皇上至誠純孝行溢於形聲視聽之外上揚

徽烈下禔景福

皇清宗廟
卷之三
宴娛錫羨賚我思成

隆軌禕懿尤非成周祭畢漢祖過沛所能頡頏萬一

者臣得親切睹記誠欽誠抃不揣葺陋研竭蠡

管而成斯賦謹拜手三薰以獻其辭曰

猗

聖清之受

命升震旦而握璇樞雲布電撝天苞地符沕涵曼羨
炳麟乎析木之區乃神爵狝羽丹果蒂味開祥流慶

育唐孕虞緝龐鴻輝赫戲拓東土而作都於惟

肇祖權輿基迹俄朶胥宇愛新卽室

三祖嗣徽藻朗洪業斟元陳樞厥聲駿通洎

太祖之龍摠奮精甲兮十三若沃燦兮炳蓬擗葉赫
與尼堪薩訥一戰讐北燼南張八蠱而正位協橫庚
之吉占

太宗恢之天順人應朝鮮蛾伏蒙古霆震殲數百萬
之明兵元戎樹領而敷衽於是抗稜八表薰凝萬姓

軒風海流堯曦天鏡刻玉揖河斷鰲揭鎮筓山會邾
鼎定至我

世祖遂奄中夏而凝

寶命矣煌煌

謨

烈丕顯丕承藏弓之地赫矣

三陵乾絡坤緯摩筓峻嶒蚡螭珍霞蔚虹蒸闔苞
甄曜扁億葉之雲初將答

在天之靈貺庸展昭事之豆

郊

廟維虔夙夜彌厪是以

聖祖三屆

高宗四臨規周矩襲帝者之上儀必轅也

皇上握圖升熙受丕念典黈續如聆疑旒若瞻迺當
寧而慨然曰於嗟朕仰承

洪緒東望

橋山烝烝之心鬱而未宣昔

皇考舉上

陵之禮於

御極之八年今已踰其二矣敢暇逸而不躬吉蠲乎
於是

詔禮官練時日清畿汜塗設桓奉趨藻粹蟠厲之物
備輅軒旂旗之展畢

乘輿夙輦於東階鏗華鯨而始出時維上秋景緯澄

霽房雲在空箕風動袂招矩夾軟蓐收奉轡雲被犀
陳千乘萬騎駟蒼螭之婉儻從屬車之沛艾排闥闥
而夙興兮躡玉田而夕過矚漁陽而眺盧龍兮越山
海之嵯峨踰寧遠之巨防瞰呂翁之曾阿松山杏山
大小凌河濤瀾灑灑磴道陂陀滂渤滾滾唇窟破破
徹兮地閉嶮兮天嗟但觀駭流迅湍之所回薄驚沙
疾颺之所蕩摩已不啻三軍之騰擊又何况遺鏃與

斷戈

天子倏然改容竦然動色徘徊者久之曰此皆我

祖

宗所奮神武而摧下國者也回瞻道左厥篚壺漿佩
纛屬鞬鱗萃鴈行四十九旗來享來迎戴

神孫如

烈祖駢藻躍而鳧蹠爾乃動華轡拖翠鳳靡魚須勒
飛鞚瞻

天作之高山采塗謳與邑頌

皇輿幸至乎

興京攬巖險之襟控其地則連岡崔巍峻嶺欽岑北
擁巫閭巖高洞深東揖長白拓陽翁陰滙渾遼之雙
流網衆派而絡溱齋旁薄風雷出入儀璘數百里內
三陵衡聳而岱峙巨丸甃而跨八夤時則峩冠影纓
之案薦紳紆組之倫相與屏息累跪而迓夫

玉軼之麟轄

鳳駕俄軫

龍旗委旆

上齊帷宮形茹神會儲精於蠅蝓蠖溲之中肅然其
與天對始謁

永陵緇衣元纁奠筓告虔泗沾於巾厥明大饗百爾
駿奔眠濯省鑊慨疊灌尊南禾北黍澗藻溪繁雞彝
龍勺奇俎偶籩牲柔犧剛博大碩蕃水菹陸醢德產
備焉已而升香薦醴芬融肝饗金枝委樹華鐙佇幌
茵藉錦雲盥澄珠沆宗藩奉幣秩宗薦鬯百工庶司

嚴恭參象

天子穆穆以登降雍雍兮俯仰俊儼兮彷徨焄蒿兮
悽愴九擗之儀殫三獻之禮仿

神鑒厥誠迄用降饗縹訛大聳高烟四煬緯接刮楹
虹承達嚮卿雲在霄物色開朗孔惠孔時嘉我

神貺

福陵

昭陵以次明禋睎

天柱之岩寧跂

隆業之嶙峋禮從其朔饗假維謹

皇上凝思遐薦上下求索念

創業之艱勤緬

舜徽與

堯腊日我

祖

宗漢惠披榛爰度爰宅締構之勞孰與七沮漆東京

肇造遼陽再城式廓之基孰與築豐程義征不憚寔
擊諸部撻伐之烈孰與戰丹浦河寶洛珍創爲國書
焜耀乎義圖夏服烏號副以兕甲彪炳乎軒畧高鏡
鹿牀之皮藏凜於夏雕牆兩翼八旗之勅旅屹於周
罷虎巍矣

祖德地鞏天隆皇矣

祖烈驅寔走風

貽燕之謨萬年垂鴻基局之固磐於岱嵩枕桃

聖訓革薄從忠恣恣舊俗純固敦龐土沃水深永永
饒康涉五帝之寥廓歷三皇之登闕尊盧赫胥此焉
比隆南陽豐沛曾何足以竝蹤我子若孫宜恢崇祇
庸懿樂之休俾

前聖之緒布濩流行於無窮遂

巡部落答土疆降原登嶽而返乎

盛京爾則八門洞開繚以百姓間比保授櫛耨鱗次
殿則崇政赫胥篤恭吻歸大政之廷訐謨伊始

官則清寧樛流神緯攸止環以永福衍慶承以闕雝
麟趾翔鳳之棲西聳飛龍之閣東峙闕文德與武功
抗魏闕而雙起伊不斷而不斫媿前徽於姚姒

郊

社

堂子規制喬皇

太廟之內

寶

冊尊藏

皇上閱視瞻謁之禮先肅爰開黼幄而秩朝常司儀
備位鹵簿大張方鉉左燾鵠識鳥章參旗九旂從風
飄揚羽衛鉤陳煒煒煌煌璇蓋燭雲陛戟耀芒朝霞
出海扶桑登光是時稱警蹕已

上乃降雕輦於紫宮盛服而升日臨天赫鞭呼靜囂
百辟乃入左右廷中王公台吉三事九卿六曹庶職
句驪之使綴班鵠立東國耆老縻主景集勸塲火繡

五文十色旃裘纈裳續紛烏奕褒博之衣粉袞襃積
虹騫雲騰聚氣成霏齊齊踳踳藹藹翼翼虎拜嵩呼
蹈揚

盛德乃

命上方肆几筵金卮中列雕俎璘璠方丈綺錯周案
星員四膳異膏六禽殊鮮芳醪九醞醇於醴泉嘉珍
異品不可殫言大臣進觴

帝容愉然羣工宴衍油油閭閻洪鐘大箴雲和之絃

冠華秉翟雷鼓蕭蕭鞞鞞奏角觝前咸族分而遞進
盛張樂乎鈞天三爵以興九頓而竣遂

沛德音下明詔大酺枌榆敦禮耆耄徭賦以寬粟帛
以勞凡夫侍從奔走之僚畿輔輶歷之道推恩布闔
靡幽隱而不到

天光既登薄海同照若乃報地祇秩北嶽海若山靈
大川廣瀆硤雷浴日欬雲歆柔鷹揚上將麟振公族
猛踰四七位崇九收檮燎蒸樵皮縣瘞玉牲帛以將

神茅用縮或

詔有司或

親嘉告展遼陵逮孤竹百神咸秩甄禋介福大禮既

成

帝車乃西旌容容兮拂霄風泠泠兮吹衣金天沆漻
穹宇高暉腴腴原野磊磊巖谿九穀畢登餘糧畝栖
比戶安恬百族雍熙星回天轉旋我

皇畿告至

太室

升朝受釐羣臣拜手稽首咸獻頌而稱詩於是

皇上覩神人之悅豫懍

天鑒之在茲惴惴僬僬業業孜孜益用防匱於豐弭
輓於夷夕負朝乾

聖敬日躋考道空同諏治汾湄憲

先步以希軌勤顧省乎闕遺用寅紹

祖

宗之燕譽縣億萬禩之不基可不謂

孝治之隆陵周鑠夏而比德乎軒義矣哉敬作頌曰

崇崇

三陵隆隱天兮嶸嶸

闕宮鬱景烟兮誕祉生祥聿開

先兮升禋絜芬承大禧兮篚簋普淖薦嘉瑞兮黃目

上尊鬱氣藹兮珠煥紫幄嚴對越兮旭卉布寫

神歆格兮

列祖降監駢

錫福兮禮展樂昭鬯

蕃釐兮

慶行錫類衆悅怡兮
滑露霑雲重

聖暉兮黻金旣肅

帝言旋兮豹翹蔚
百靈環兮返平

辰居調璣璿兮暢風
昭景玉燭和兮寰海
鏡清恬浩
波兮軒舞鬢鼓壤
叟歌兮介純撫龐茂

大德兮佑昆繩

祖永垂則兮萬有千歲光無極兮

聖駕巡幸淀津賦

蔡之定

一人首出握圖登紀挺桐萬物燾育式壽鴻鈞不幹
咨度土功勤求民質饑溺由已鞠謀罔拂上躬其勞
下享其逸自古聖人仁冒天下功被羣黎憂民慮世
之心固如此其至矣客有過司籍氏而難之曰吾聞
抱蜀者林蒸之妙諦垂拱者主極之令文何循蜚之
肇紀遂展錯而紛紜殫精勞形以爲治躬骭肌腊而
弗塵後天下而逸先天下而勤忘君人之樂而務爲

君之難蒙竊惑焉司籍氏應之曰事理異宜也古今
異勢也若客所稱毋迺局於虛廓清淨之詹言而未
覩乎聖帝哲王之上理也今將與子陳太古之闕闕
闡邳隆之淳懿粵稽生民之始降之白光音主之自
帝利食則有地餅飲則有地味林藤貢液而騰芬香
稻朝生而夕刈鶉居而鷺處毛茹而葉被臺簡以遊
太清軋沕而滑元氣夫豈佚而安之哉運會有未開
而經綸有弗勦也迨乎禪通以降闢竇開天經營職

植往來駢闐以似以續既庶既繁相侵也爲之我疆
我理相聚也爲之有幹有年太昊於是旌九位奠八
埏炎帝於是度地紀脈水泉陶唐氏刻玉而遊河上
有媯氏規圖而幸洛川禹胼胝而勤溝洫文卑服而
卽康田蓋九重輯瑞巡方之舉實萬庶耕食鑿飲之
源且夫勤民者

先勞之上儀法

祖者

繼述之

盛軌既遐稽夫古先且明徵諸

近事爾迺崑崙結脈廓我

皇畿域分幽冀星躔尾箕燕然峩隗而北峙河濟灊灊以南迤太行右擁而嵯我渤海左環以滹灞若夫衆流所聚萬壑所瀕則有漁陽之郡析木之津支分南北白河衛河滸以永定洩以滹沱更有拒馬射虎九女龍花七渡五谷慶都子牙玉帶滄潞琉璃滹沱

亦有聖鼓獨石華嚴甘洵柏川松水槐治鳳浚唐峩
淩澗沙易徐漕路媯欽金銅丹雷鮑澎漉磁磁庵庵
沈沈汨汨澧澧楮楮彊彊消消泐泐湫湫掙掙迺迺旋還
膠盤活消滂泱泱支河滉滉以泌滌巨浸漚漚以漚漚
七十二沽粉汎而洽濬九十九澗濼濼以圖沆千流
萬派芻灑漉爭趨競赴東會南交導源於管泠秦
戲翁受於鉅鹿范陽綜之以東淀西淀錯之以清漳
濁漳坼罅分疆迤塗脉起牖阪相轄薄藩櫛比舟車

輻輳則萬國之通衢焉華實豐茂則九土之上腴焉
北地水利之所由興

國家財賦之所自出水陸物產之所叢生億兆衣食
之所利賴穀則有菽粟稌穉黍稷稻粱麩粳蕎麥作
爲餵饉木則有松柏樅檜槐檀榆桑連陰畿輔上接
闔閩作舟作楫可棟可梁至若場資果蔬之珍圃薦
瓜蔬之味廛收懋化之財稅權漁鹽之利若斯之屬
匪可殫紀理大物博繁鉤夥彙體國經野之謀羌未

有大於此者也浩浩淀津沿自前代元則籌之而未
竟明則防之而終潰我

國家

聖神繼作克咸厥功樂城以西武垣以東築之登登
壩埝攸崇掘鯉既定塘灤遂通長隄肇建百谷朝宗
此

聖祖之所以授方畧也式是賢王武清渠遶河開十
望淀起三角起塌網衝剔曩功卓總挈諸流歸槽二

泊此

世宗之所以迪

前光也爾其築格淀以拒渾水浚清河以滙諸流文
安澱漫而易決章武窪醜而難收賴茲隄之綿亘合
數郡以懷柔保障乎齊梁燕趙輯寧乎冀兗并幽載
繩

祖武

玉輅頻臨瀛津滉滉秉櫜引恬民懷

樂利謳思至今此

高宗之所以紹

謨烈而裕

後昆也我

皇嗣服之初釐百工而熙庶績糜帑藏以不貲繕河隄而孔亟

飭有司以庀材具畚缶以興役僇工伐礮以監成

淀神助靈而昭格隄岸旣已鞏泉流亦已暢涸積滌

之平消美淤肥之出漲弗豐而種黃茂力穡而薦董
節取塵禾之三百納種秭之千倉閱其資而俾乂保
我民以用康邁隆乎古帝率由乎

舊章巍巍乎其有成功也於是百室其盈屢豐告美
六府孔修三事既奠九功惟敘九歌用勸嗚乎

大業崇穆乎

盛德轅建極以錫福陳樞而斟元爰舉

時巡之典聿修展義之文

顏明詔諏吉辰

乘輿葦

法駕陳建招搖鳴和鑾

謁

陵廟鬯

精禋旋南苑道中甸踰蘆溝經紫泉發趙北櫂畫船
惠風揚時雨勻麥翻浪苗懷新岸草舉毳河波漲綠
有魚於牧有鳴載馴擊場帖妥搃擇儵眇

天顏熙怡與物咸春
穉謫蘇橋澹沱揚芬
鵬鳥接尾文鷁銜
屑錦纜競挽海朧騰
歡瞻依

雲日迎蹕煖煖遂

駐蹕乎天津此一舉也我

皇考事度功途履

宵旰悠悠旆旌遲遲輕
臆周遭河壘循行坑堰
十里五里旣修旣鑿一
康一渠載

瞻載度陂無傾圯流無
滲漉日

神之佑盼，嚮祇作普淖。申虔克綏，厥祿懿夫。
法導之初行也。

三令五申，尉候所歷。輿衛所親，毋擾於官。毋厲於民。
肅肅穆穆，駢駢鱗市。不停鬻農，不輟耘從。官有恪
習，御不紛率。彼水滸度，其隰原春。耕俶載補，助維殷
勸。農桑以阜，俗勵孝悌。以敦倫慰閭閻之疾苦，卹舟
旅之艱辛。豁陳陳之逋負，溥浩浩之

皇仁每損

上以益下恒裕官而足民飛甘吮膏挾纈飲醇於斯
時也休風動乎九圻協氣翔乎三輔

恩流渤澥之波和挹春暎之煦

存者神而過者化方且暨山川鬼神上下草木鳥獸
罔不咸若又何間乎甸民之軒鑿鼓舞者哉矧復風
胎雨霰

渥澤頻仍采詩歌萃俊英敷言奏髦士丞優高年廣
庶鬻計月餉犒伍營緩榷離恤竈丁錄廢官減薄膏

申

錫命眷股肱晉階級甄賢能宴醕

賜喜起慶

典禮既備

慶惠既施巾車效

駕旋旆遂移冗矣故一遊一豫雖休弗休

黃屋非貴天下爲憂詎直慶兩定之順軌方將洎六
幕以蒙庥若夫慕端拱之虛文昧修和之懿躅置萬

幾之登閔希太初之趨越不其編乎客懷然意下無
以應司籍氏曰未已也願進子以頌客受而卒業謝
日蒙不敏幸奉教於大雅庶斯達矣頌曰

天經地緯運

廟謨兮

翠華式賁相隄渠兮隄渠秩秩犴排疏兮淤壤萬頃
成膏腴兮民有田疇

皇則植兮民有里居

皇則息兮我

皇來思民頌

德兮頌

德維何

壽萬億兮